

# Pappiaqqanik nalilinnik naqissusiinenni akitsuut pillugu Inatsisartut inatsisaata allannguutissaatut Inatsisartut inatsisaat

## § 1

Pappiaqqanik nalilinnik naqissusiinermi akitsuut pillugu Inatsisartut inatsisaanni nr. 8, 31. oktober 1987-imeersumi, kingullermik Inatsisartut inatsisaatigut nr. 14, 30. oktober 1992-imeersukkut allanngortinneqartumi, makku allannguutigittinneqarput:

1. § 11-mi imm. 1-itut nutaatut ilanngunneqarpoq: "Aappariit katissimasut imaluunniit inuit tamatumunga assingusumik inooqatigiissut piginnittussanngortitsinermi uppersaasiaat, piginnittussanngortitsinerit pisussaaffiliinerillu inunnut taakkunungaannaq tunngasuuppata, pappiaqqanik nalilinnik naqissusiinermi akitsuuserneqassanngillat."

2. § 11-mi imm. 2-tut nutaatut ilanngunneqarpoq:

"Imm. 2. Imm. 1-imi aalajangersagaq aammattaaq atuutissaaq kingornussinermut, avinnermut, averusernermut, inooqatigiikkunnaarnermut assigisaanulluunniit atatillugu pigisassanngortitsinermi uppersaasiarineqartussanut."

Imm. 2 taamaalilluni imm. 3-nngorpoq.

## § 2

Inatsisartut inatsisaat 1. april 1994-imi atuutilissaaq.

*Namminersornerullutik Oqartussat, ulloq 3. marts 1994*

Lars Emil Johansen

/

Emil Abelsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut